



HØGDEPUNKT: Kjellaug arbeider raskt og snart er det ein haug med mjølkkekaker på ristene. Den gode dufta lokkar både bebuarar og tilsette inn på kjøkenet. Gatriauv Sildan takkar for kakene og gir Kjellaug ein god klem.

90-åring i hundre

- Det var Gudrun Farnes som fekk meg med i besøkstenesta i Førde Røde Kors, seier Kjellaug Ulltang. Den snart 90 år gamle Røde Korsaren har vore frivillig i 40 år, like aktiv i dag som på 70-talet.

Kjellaug er på Helsetunet og steikjer mjølkkekaker til bebuarane. Det har ho gjort i alle fall i 8 år. Aktivitørane Anna Hustveit og Åse Warvik kan ramse opp ei lang liste over Kjellaug sine gode gjerningar. Når nokon av bebuarane har runde- og halvrunde dagar er det Kjellaug som kjem med blomar til jubelantane. Ho hjelper til når vi har hasarar, «Syng med oss» kveldar, juletreffar, adventsmarkeringar, turar. Kjellaug er ei som står opp klokka fem om morgonen for å steike mjølkkekaker, så vi får ta med på tur.

Annakvar torsdag kjem Kjellaug på Helsetunet, og når dufta av kakene spreiar seg i korridorane kjem både bebuarar og tilsette strøymande. Borghild Holsen sit til bordet med kaffi og mjølkkekake. - Dei er så gode, seier Borghild, tynne og passe steikte. Når eg kjenner dufta, veit eg at Kjellaug er her. - Eg lagde ofte mjølkkekaker for, seier Borghild. Så ho veit kva som skal til for lage gode kaker.

- Kjellaug kjenner alle, seier Solbjørg Søhoel Flåm i besøkstenesta, ho hugsar alle slags folk



Solbjørg S. Flåm og Borghild Holsen set pris på mjølkkekakene til Kjellaug.



Kjellaug Ulltang, 90 neste år, seier at du må helst ikkje sette deg ned på sofaen, då får du ikkje gjort noko. Finst å tenkje at denne lufelaktive damen er ein ekte Røde Korsar.

og slekter. Det er lett å hygge seg saman med henne. På årsmøtet til Førde Røde Kors fekk Kjellaug diplom og nål til for fortienstefullt arbeid i foreninga i 40 år.

- Røde Kors er noko det beste vi har, seier Kjellaug. - Eg kan ikkje førestille meg korleis det hadde vore utan, det er utruleg kva Røde Kors får gjort for mange.

Typisk for Kjellaug er at ho berre sit i ro berre ei lita stund. Ho arbeider fort, 70 mjølkkekaker er laga i løpet av ein god halvtime, eit

kvartar seinare er kakene etne opp.

- Eg er så ofte på Helsetunet no at folk har begynt å spørje om eg har flytta inn, ler Kjellaug. Ho fortel at ho ser ikkje mørkt på noko. - Alt det frivillige er kjekt å halde på med.

Kva er løyndommen for å få eit godt og langt liv? - Ein må halde seg langt unna sofaen, ler Kjellaug. Alderen har eg aldri vore redd for, den kjem til oss alle. Det er frå mor mi si slekt dette å bli gamal. Mor mi vart 100 år, og tantene mine vart gamle dei òg.